



.....

Pensarmos (evento en liña)

Alicia Puleo

**Ecofeminismo en
tempos de
pandemia**

.....

3 de novembro de 2020 (emisión gravada da conferencia)
12 de novembro de 2020 ás 19:00 horas (debate en directo)



Posverdade, fascismos dixitais, tecnopersoas, precarización da vida, perda de liberdades, deterioración medioambiental, poshumanismo.... Enchemos de novos termos os andeis do noso pensamento. Asistimos a unha proliferación de palabras e conceptos para enfrontarnos a unha época convulsa.

A economía do efémero demándanos respostas rápidas e simples ante problemas complexos. Pensar sen présas ou debater ideas e visións diversas do mundo ficaron convertidas en actividades de luxo ou en ideas románticas doutros tempos. Agora todo semella moverse na inmediatez das redes.

Porén, o pensamento necesita tempos de encontro, de compartir devagar perspectivas e dúbidas. Propoñémosvos neste ciclo de charlas, debates e intercambio de ideas un tempo compartido para a reflexión, para abordar os problemas da actualidade, para facer redes de conexións e contribuír a que sexamos un pouco máis libres. O vello dictum ilustrado, sapere aude, hoxe deveu máis necesario que nunca. “Atrévete a pensar” é un exercicio a contracorrente, unha pequena revolución cotiá.

Quedades convidadas e convidados a un espazo compartido de reflexión e análise crítica do mundo que nos tocou vivir. Se pensar vos presta, agardámosvos cunha única condición, a predisposición a gozar das palabras compartidas. Iniciado en 2019, o ciclo Pensarmos continúa no ano 2020 cada cuarto xoves de mes para ofrecernos a oportunidade de encontrarnos con nomes relevantes no pensamento actual que establecerán un diálogo tanto con integrantes da Sección de Pensamento do Consello da Cultura Galega como co público asistente sobre temas tan vixentes como feminismo, fascismos, verdade, intimidade, investigación, precariedade ou humanismo.

Programa

Martes, 3 de novembro

10:00 horas

Emisión gravada da conferencia *Ecofeminismo en tempos de pandemia*, de **Alicia Puleo**

Xoves, 12 de novembro

19:00 horas

Emisión en directo do diálogo entre **Alicia Puleo** e **Celia Pereira Porto**

Participa no debate en participa@consellodacultura.gal

Alicia Puleo

Pensadora ecofeminista de recoñecido prestixio internacional. Catedrática de Filosofía Moral e Política da Universidad de Valladolid e directora da colección Feminismos da editorial Cátedra, os seus traballos sobre ecofeminismo foron publicados en numerosos países de América e Europa. Despois da publicación do seu libro *Ecofeminismo para outro mundo posible* (2011), as súas ideas foron asumidas como base teórica pola Red Ecofeminista creada en Madrid no ano 2012. O seu libro máis recente nesta temática é *Claves ecofeministas. Para rebeldes que aman a la Tierra y a los animales* (Plaza y Valdés, 2019). En 2020, o Senado da República Arxentina, por proposta da Red de Defensoras del Medio Ambiente y el Buen Vivir, outorgoulle a distinción “Berta Cáceres” polas súas achegas á filosofía ecofeminista. Entre os numerosos libros polos que é coñecida, están: *Dialéctica de la sexualidad: Género y sexo en la Filosofía Contemporánea*; *La Ilustración olvidada: La polémica de los sexos en el siglo XVIII*; *La Filosofía contemporánea desde una perspectiva no androcéntrica*;

Figuras del Otro en la Ilustración francesa; Filosofía, Género y pensamiento crítico; Ecología y Género en diálogo interdisciplinar; El reto de la igualdad de género. Nuevas perspectivas en Ética y Filosofía Política; Cómo leer a Schopenhauer e Ser feministas. Pensamiento y acción. <http://aliciapuleo.net/>

Celia Pereira Porto

Doutora en Dereito (2000). Premio Extraordinario de Licenciatura (1994). Investigadora e docente da área de Filosofía do Dereito na Universidade da Coruña até o 2005. Desde esa data exerce como avogada laboralista. Membro do Padroado da Fundación Praza Pública, secretaria da Fundación Vicente Risco e membro da Sección de Pensamento do Consello da Cultura Galega. Autora de diversos libros e artigos sobre a igualdade de xénero desde unha perspectiva iusfilosófica. Editora da primeira tradución ao galego de *O meu pecado mortal. O voto feminino mais eu*, de Clara Campoamor.

Organiza

Sección de Pensamento (CCG)
Consello da Cultura Galega

Coordina

Carme Adán Villamarín

Participa

A actividade non será presencial. Será retransmitida a través do noso web e da nosa canle en youtube os días e horas indicadas e logo permanecerá na Mediateca para consultas futuras.

Non é necesaria inscrición previa.

Se queres participar nos debates en directo podes facelo a través do correo participa@consellodacultura.gal

Máis información

www.consellodacultura.gal

difusion@consellodacultura.gal

Consulta os materiais en <http://consellodacultura.gal>

Organiza:

